



লেভেল-১ স্নাতক কোর্সে ভর্তি প্রক্রিয়া সংক্রান্ত বিজ্ঞপ্তি (শিক্ষাবর্ষ: ২০২৫-২৬) (১ম পর্যায়)

২০২৫-২৬ শিক্ষাবর্ষে চট্টগ্রাম প্রকাশন ও প্রযুক্তি বিশ্ববিদ্যালয় (চুয়েট)-এর লেভেল-১ স্নাতক কোর্সের বিভিন্ন বিভাগে ভর্তির জন্য ১৭/০১/২০২৬ খ্রি. তারিখ শনিবার অনুষ্ঠিত ভর্তি পরীক্ষায় উত্তীর্ণ প্রার্থীদের মেধা তালিকা প্রকাশ করা হলো (সংযুক্তি দ্রষ্টব্য)।

	ইঞ্জিনিয়ারিং বিভাগসমূহ এবং নগর ও অঞ্চল পরিকল্পনা বিভাগ	স্থাপত্য বিভাগ
মূল মেধা তালিকা	মেধাক্রম: ০১-৯৪৯৮	মেধাক্রম: ০১-৩০৩
পার্বত্য চট্টগ্রাম ও অন্যান্য জেলার ক্ষুদ্র নৃ-গোষ্ঠী (উপজাতি)	মেধাক্রম: ০১-২৮	মেধাক্রম: ০১
রাখাইন সম্প্রদায়	মেধাক্রম: ০১-০২	-

প্রার্থীদের করণীয়

- মেধা তালিকায় স্থানপ্রাপ্ত সকল প্রার্থীকে ০১/০২/২০২৬ খ্রি. রবিবার সকাল ১০:০০ ঘটিকা থেকে ১০/০২/২০২৬ তারিখ মঙ্গলবার রাত ১১.৫৯ ঘটিকার মধ্যে <https://admissioncuet.ac.bd> ওয়েবসাইটে গিয়ে Admission Portal-এ Login করে “Online Choice Form” এর প্রয়োজনীয় তথ্য পূরণ এবং বিভাগের পছন্দক্রম প্রদান করতে হবে।
- ইঞ্জিনিয়ারিং বিভাগসমূহ এবং নগর ও অঞ্চল পরিকল্পনা বিভাগের জন্য ১১টি পছন্দসহ একটি পছন্দক্রম পূরণ করতে হবে, তবে স্থাপত্য বিভাগের জন্য কোন পছন্দক্রম পূরণের প্রয়োজন নেই।
- “Online Choice Form” এ প্রদানকৃত তথ্য ও পছন্দক্রম ১০/০২/২০২৬ খ্রি. তারিখ মঙ্গলবার রাত ১১.৫৯ ঘটিকা পর্যন্ত পরিবর্তন করা যাবে। এরপর আর কোন তথ্য বা পছন্দক্রম পরিবর্তন করা যাবে না। সর্বশেষে পূরণকৃত ফরমের একটি প্রিন্টেড কপি ভর্তির সময় নিয়ে আসতে হবে।
- তবে বিশেষ প্রয়োজনে ভর্তির দিন ভর্তি কমিটির অনুমোদনক্রমে ভর্তির জন্য নির্ধারিত বুথে পছন্দক্রম পরিবর্তন করা যাবে।

১ম পর্যায়ে নিম্নবর্ণিত মেধাক্রম, তারিখ ও সময়সূচী অনুযায়ী ভর্তির জন্য স্ব-শরীরে নিরীক্ষা বোর্ডের নিকট উপস্থিত হওয়ার জন্য বলা হলো।

	ইঞ্জিনিয়ারিং বিভাগসমূহ এবং নগর ও অঞ্চল পরিকল্পনা বিভাগ	স্থাপত্য বিভাগ	তারিখ, সময়সূচী ও স্থান
মূল মেধা তালিকা	মেধাক্রম: ০১-১২৫০	মেধাক্রম: ০১-৭৫	২৫/০২/২০২৬ ইং বুধবার সকাল ৯:৩০ থেকে বিকাল ৩:৩০ ঘটিকা পর্যন্ত
পার্বত্য চট্টগ্রাম ও অন্যান্য জেলার ক্ষুদ্র নৃ-গোষ্ঠী (উপজাতি)	মেধাক্রম: ০১-১০	মেধাক্রম: ০১	
রাখাইন সম্প্রদায়	মেধাক্রম: ০১	-	স্থান: কেন্দ্রীয় অডিটোরিয়াম

নিরীক্ষা বোর্ড দ্বারা প্রার্থীদের সনদপত্র যাচাইপূর্বক জমাদানের পর ঐ দিনই স্বাস্থ্য পরীক্ষা করা হবে। পরের দিন প্রার্থী ২৬/০২/২০২৬ খ্রি. (বৃহস্পতিবার) সকাল ১০.০০ ঘটিকায় প্রাপ্ত বিভাগ দেখে ভর্তির জন্য নির্ধারিত ফি ১৮৫০০/- (আঠারো হাজার পাঁচশত টাকা) সোনালী ব্যাংক, চুয়েট শাখায় বিকাল ৩:০০ ঘটিকার মধ্যে জমা প্রদান করে ভর্তি নিশ্চিত করতে হবে। তবে কোন প্রার্থী স্বাস্থ্য পরীক্ষা শেষে একই দিন ভর্তির জন্য নির্ধারিত ফি কর্তৃপক্ষের অনুমতিক্রমে ব্যাংকে জমা দিতে পারবে।

ভর্তির সময় প্রার্থীকে অবশ্যই নিম্নবর্ণিত সনদপত্রাদি নিরীক্ষা বোর্ডের নিকট দাখিল করতে হবে:

- মাধ্যমিক বা সমমানের পরীক্ষার মূল সনদপত্র।
- মাধ্যমিক বা সমমানের পরীক্ষার ট্রান্সক্রিপ্ট এর মূলকপি।
- উচ্চ মাধ্যমিক বা সমমানের পরীক্ষার রেজিস্ট্রেশন কার্ডের মূলকপি।
- উচ্চ মাধ্যমিক বা সমমানের পরীক্ষার ট্রান্সক্রিপ্ট এর মূলকপি।
- শিক্ষা প্রতিষ্ঠান প্রধান কর্তৃক প্রদত্ত উচ্চ মাধ্যমিক বা সমমানের পরীক্ষার প্রশংসাপত্রের মূলকপি।
- সদ্য তোলা (অনধিক ০৩ মাস) ২ (দুই) কপি পাসপোর্ট সাইজের রঙিন ছবি।
- হল প্রত্যবেক্ষকের স্বাক্ষর সম্বলিত ভর্তি পরীক্ষার প্রবেশপত্র।
- সংরক্ষিত আসনে ভর্তির জন্য রাখাইন সম্প্রদায় ও ক্ষুদ্র-নৃ-গোষ্ঠী (উপজাতি) প্রার্থীদের বাংলাদেশের স্থায়ী বাসিন্দা এবং উপজাতীয়তার প্রমাণ স্বরূপ (১) জেলা প্রশাসক/স্থানীয় পৌরসভা/জেলা পরিষদ/ইউনিয়ন পরিষদ চেয়ারম্যান এবং (২) উপজাতীয় মোড়লের নিকট থেকে মোট ০২ (দুই) টি মূল সার্টিফিকেট দাখিল করতে হবে। এছাড়া যে কলেজ থেকে পাস করেছে সে কলেজের অধ্যক্ষ কর্তৃক ইস্যুকৃত উপজাতীয়তার প্রমাণের সার্টিফিকেট (প্রয়োজ্য ক্ষেত্রে) প্রদান করতে হবে।

কি.বি.হু.ব.কেন



চট্টগ্রাম প্রকৌশল ও প্রযুক্তি বিশ্ববিদ্যালয়


চট্টগ্রাম-৪৩৪৯।

স্বাস্থ্য পরীক্ষা:

চট্টগ্রাম প্রকৌশল ও প্রযুক্তি বিশ্ববিদ্যালয় (চুয়েট) এর স্বাস্থ্য কর্মকর্তাদের সমন্বয়ে গঠিত চিকিৎসা বোর্ড ভর্তির জন্য বিবেচিত সকল প্রার্থীর স্বাস্থ্য পরীক্ষা করবেন। স্বাস্থ্য পরীক্ষায় যদি হৃদরোগ, দৃষ্টি কিংবা শ্রবণ শক্তির ত্রুটি অথবা কোন প্রকারের শারীরিক বা মানসিক অক্ষমতা ধরা পড়ে, যার ফলে বিশ্ববিদ্যালয়ে অধ্যয়ন অথবা পেশাগত কার্যনির্বাহে প্রার্থীর পক্ষে অসুবিধা হতে পারে বলে ভর্তি কমিটির নিকট প্রতীয়মান হয় তাহলে তাকে ভর্তির অনুপযুক্ত বলে গণ্য করা হবে। ভর্তির জন্য নির্বাচিত প্রার্থীদের ভর্তির দিনে প্রতিষ্ঠিত ডায়াগনস্টিক সেন্টার থেকে “Blood Group Test” এর রিপোর্ট নিয়ে আসতে হবে এবং বিশ্ববিদ্যালয় কর্তৃক গঠিত চিকিৎসা বোর্ডের নিকট জমা দিতে হবে। প্রয়োজনবোধে চিকিৎসা বোর্ডের সিদ্ধান্ত অনুযায়ী প্রয়োজনীয় মেডিকেল টেস্ট রিপোর্ট যথাসময়ে দাখিল করতে হবে এবং সংশ্লিষ্ট চিকিৎসা বোর্ডের নির্দেশনা মোতাবেক জমা দিতে হবে। মেডিকেল টেস্টের দিন চশমা ব্যবহারকারী ছাত্র-ছাত্রীদের অবশ্যই চশমা সঙ্গে আনতে হবে।

ভর্তি সম্পর্কিত অন্যান্য প্রয়োজনীয় তথ্যাবলী:

- ভর্তি পরীক্ষার ওয়েবসাইট (<https://admissioncuet.ac.bd>) থেকে স্বাস্থ্য পরীক্ষার ফরমসহ অন্যান্য প্রয়োজনীয় ফরম ডাউনলোডপূর্বক প্রিন্ট করে নিয়ে আসতে হবে।
- প্রার্থী ভর্তির নির্ধারিত দিনে উপস্থিত না হলে ভর্তির জন্য যোগ্য বলে বিবেচিত হবে না।
- ভর্তিকৃত ছাত্র-ছাত্রী নিজে উপস্থিত থেকে ভর্তি বাতিলের আবেদন করতে পারবে। অভিভাবক বা অন্য কারো মাধ্যমে ভর্তি বাতিলের সুযোগ নেই।
- ভর্তিকৃত ছাত্র-ছাত্রীর প্রদত্ত কোন তথ্য পরবর্তীতে ভুল প্রমাণিত হলে ভর্তি এবং ছাত্রত্ব বাতিল হবে।
- ১ম পর্যায়ে ভর্তির পর ভর্তিকৃত প্রার্থীর প্রাপ্ত বিভাগ ও মোট শূন্য আসন সংখ্যা (প্রযোজ্য ক্ষেত্রে) এবং তদানুযায়ী পরবর্তী ভর্তির জন্য নির্বাচিত প্রার্থীদের তালিকা ০১/০৩/২০২৬ খ্রি. এর মধ্যে ভর্তি পরীক্ষার ওয়েবসাইটে (<https://admissioncuet.ac.bd>) দেয়া হবে। আসন খালি থাকা সাপেক্ষে ও রিয়েন্টেশনের দিন পর্যন্ত ভর্তি প্রক্রিয়া চলমান থাকবে। ভর্তি বাতিলজনিত কারণে কোন আসন শূন্য হলে প্রার্থীর মেধাস্থান ও পছন্দক্রম অনুসারে Auto Migration চলবে।
- প্রার্থীর মেধাস্থান ও পছন্দক্রম অনুসারে সর্বশেষ Auto Migration সম্পন্ন হওয়ার পর প্রাপ্ত বিভাগেই ক্লাস শুরু করতে হবে।
- ভর্তিকৃত কোন প্রার্থী ওরিয়েন্টেশনের ০৩ দিন পূর্ব পর্যন্ত নিয়মাবলী মেনে ভর্তি বাতিল করতে পারবে। ক্লাস শুরুর পর ভর্তি বাতিল করতে হলে বিশ্ববিদ্যালয়ের নিয়মানুযায়ী বাতিল করতে হবে।
- অনিবার্য কারনবশতঃ ভর্তির তারিখসমূহ পরিবর্তন করা হলে তা ভর্তি পরীক্ষার ওয়েবসাইট এর মাধ্যমে প্রকাশ করা হবে।
- ভর্তি সংক্রান্ত কোন তথ্য জানার জন্য অফিস চলাকালীন ০১৭৫৯১২৩১৪৮ এবং ০১৭৫৯১২৩১০৩ নম্বরে যোগাযোগ করা যাবে।


২২.০১.২০২৬

অধ্যাপক ড. কাজী দেলোয়ার হোসেন


সভাপতি

লেভেল-০১ স্নাতক ভর্তি কমিটি (শিক্ষাবর্ষঃ ২০২৫-২৬)

চট্টগ্রাম প্রকৌশল ও প্রযুক্তি বিশ্ববিদ্যালয়

সদয় অবগতি ও কার্যার্থে অনুলিপি প্রেরিত হলো:

- সকল সদস্য, লেভেল-১ স্নাতক ভর্তি কমিটি (শিক্ষাবর্ষঃ ২০২৫-২৬)।
- পরিচালক, আইআইসিটি, চুয়েট। (বিজ্ঞপ্তিটি ভর্তি পরীক্ষা সংক্রান্ত ওয়েবসাইটে আপলোডের জন্য প্রয়োজনীয় ব্যবস্থা গ্রহণের অনুরোধ সহকারে)
- সহকারী রেজিস্ট্রার (সমন্বয়), চুয়েট। (ভিসি মহোদয়ের সদয় আতর্থে)
- সংরক্ষণ নথি।


২২/০১/২০২৬

অধ্যাপক ড. শেখ মোহাম্মদ হুমায়ুন কবির

সচিব

লেভেল-০১ স্নাতক ভর্তি কমিটি (শিক্ষাবর্ষঃ ২০২৫-২৬)

চট্টগ্রাম প্রকৌশল ও প্রযুক্তি বিশ্ববিদ্যালয়